



## Paerewa Paetae

<p><b>Paetae</b></p> <p>Te whakaatu māramatanga ki ngā ariā toi ataata.</p>	<p>Hei tohu i te paetae:</p> <ul style="list-style-type: none"> <li>• Ka whakaputa whakaaro mō ngā ariā toi ataata i runga anō i te horopaki ka tohua hei whai māna.</li> </ul>
<p><b>Kaiaka</b></p> <p>He kaiaka te whakaatu māramatanga ki ngā ariā toi ataata.</p>	<p>Hei tohu i te kaiaka:</p> <ul style="list-style-type: none"> <li>• Ka whānui te whakaputa whakaaro ki ngā ariā nei i runga anō i te horopaki whānui o ngā toi.</li> </ul>
<p><b>Kairangi</b></p> <p>He kairangi te whakaatu māramatanga ki ngā ariā toi ataata.</p>	<p>Hei tohu i te kairangi:</p> <ul style="list-style-type: none"> <li>• Ka whakamāori i ngā ariā nei kia whai pānga ki ngā horopaki huhua noa.</li> </ul>

## Kōrero Āpiti

- 1 E whai ake nei ngā whakamārama mō ngā kupu me ngā kīanga whitake matua o te paerewa nei:

whakaputa whakaaro	He māmā te kite/rongo atu i ngā whakaaro ake o te ākongā kua whakaraupapahia.
whānui te whakaputa whakaaro	He māmā te kite/rongo atu kua whai whakaaro whānui te ākongā mō ngā ariā nei.
whakamāori	He māmā te kite/rongo atu, kua āta wānangahia ōna whakaaro mō tētahi kaupapa kia mārama ai te whakaputa ki te ao.
ariā toi ataata	<p>Ko ngā kaupapa/whakaaro/kōrero e noho ana hei tūāpapa mō tētahi mahinga/tikanga toi, i toko ake ai taua mahinga/tikanga toi.</p> <p>Hei tauira:</p> <ul style="list-style-type: none"> <li>• ngā kōrero/kaupapa o Te Whare Pora/Whakairo, he aha hoki i pērā ai</li> <li>• te whakapapa o tētahi momo tauira toi ataata (kōwhaiwhai/raranga/whakairo)</li> </ul>

	<ul style="list-style-type: none"> <li>• ngā kōrero/pūrākau ā-iwi mō tētahi mahinga toi ataata</li> <li>• ngā whakaaro mataaho/matahuna o tētahi mahinga toi.</li> </ul> <p>He maha tonu ngā tauira i tua atu i ēnei. Ehara hoki i te mea, me mahi te katoa; ko te tikanga ia, kia kōwhiria te/ngā ariā e hāngai ana ki te horopaki.</p>
whakaaro	Ngā tirohanga me ngā uara o te tangata.
te horopaki whānui o ngā toi	Te ao e noho ngātahi nei ngā momo toi katoa me ōna āhuatanga.
ngā horopaki huhua noa	Ngā horopaki ki tua atu i ngā toi me te wā/wāhi e noho nei te tangata, arā, te ao whānui o te tangata.

---

## Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233